



Turid Rognsvåg blei krinsmeister i langdistanse-orientering laurdag (foto: Os orienteringsklubb)

Vann KM i langdistanse

Turid Rognsvåg frå Os orienteringsklubb blei krinsmeister i langdistanse-orientering laurdag etter sekundstrid.

Av: [Andris Hamre](#) Tirsdag, mai 31, 2016 - 14:20

Laurdag var orienteringsfolket samla på Fanafjellet for krinsmeisterskap i langdistanse-orientering. Os OK stilte med 7 deltakarar og fekk klubben sin første krinsmeister då Turid Rognsvåg løp inn til siger i veteranklassa for damer over 50 år.

– Turid er den første meisteren vår. Ho gjekk opp i leiinga på langstrekket der ho hadde den klart beste strekktida i klassa, men det var inga enkel siger. Ho hadde ein jamn kamp med Lise Christensen frå TIF Viking. Kampen blei først avgjort då Lise tapte nokre sekund på den eine posten.

– I mål var Turid 35 sekund før Lise, fortel Tommy Sævareid, leiar i Os orienteringsklubb i ei melding til Midtsiden.

Matias på fjerde plass

Langdistanse-orientering er som namnet seier eit løp kor det er lengre avstand mellom postane enn normalt. I løpet på Fanafjellet var det lengste strekket på 1850 meter i luftlinje med minst fem aktuelle vegval for utøvarane.

– I tillegg til Turid gjorde Matias Pontoppidan det sterkt i klassa H13-14 kor han løp inn til ein flott fjerde plass og blei premiert. Også Marie Herigstad i D70 og Andreas Berge i B-open gjorde gode løp, fortel Sævareid.

163 utøvarar stilte til start i det litt kalde vårlege regnvêret laurdag.

0 kommentarer

Sorter etter



Legg til en kommentar